

Ефестіктерге 5:22-24 Әйелдер, Иемізге мойынсұнғандай, күйеулеріңе де мойынсұныңдар; 23 өйткені Мәсіхтің сенушілер қауымының Басы болғаны сияқты, еркек — әйелдің «басы». Мәсіх сенушілерді құтқарып алды, енді қауым — Оның рухани денесі. 24 Қауымның Мәсіхке мойынсұнғанындай, әйелдер де барлық істе күйеулеріне мойынсұнуға тиіс.

Ефестіктерге 5:31,33 «Сондықтан еркек әке-шешесін тастап, әйеліне қосылады, сөйтіп екеуі біртұтас болады», — деп (Тауратта) жазылған. 33 Бірақ ол сендерге де қатысты: әрқайсың әйелінді өзіндей сүюге тиістісің, ал әр әйел күйеуін құрметтеуге міндетті.

1 Қорынттықтарға 7:3 Күйеуі әйеліне, ал әйелі күйеуіне тиісті ықылас көрсетулері керек.

1 Қорынттықтарға 7:34 Сол сияқты, үйленбеген әйел мен қыз Иеміздің істерінің қамын ойлай отырып, жан-тәнімен Оған берілмек. Ал тұрмысқа шыққан әйел күйеуіне ұнауға тырысып, осы дүниелік істердің қамын жейді.

Қолостықтарға 3:18 Әйелдер, күйеулеріңе мойынсұныңдар! Иемізбен байланыстағы сендердің осылай істегендерің жөн.

1 Тімотеге 2:11-15 Әйелдер тыныштықпен, әр жағдайда (қауым жетекшілерінің басшылығына) мойынсұнып тәлім алсын. 12 Олардың (Құдайдың ілімі жайлы) тәлім беріп, ер адамдарға билік жүргізулеріне жол бермеймін; олар тыныш болсын. 13 Алдымен Адам ата, содан кейін Хауа ана жаратылған 14 және Адам ата емес, әйел өзәзілге алданды. Осылай ол Құдайдың бұйрығын бұзды. 15 Ал егер әйелдер сенім мен сүйіспеншілікті, қасиеттілік пен ұстамдылықты ұстанса, аналық міндетін атқарғанда (күнәнің ықпалынан) аман сақталады.

Бытие 3:16 Ал әйелге Құдай мынаны айтты: «Құрсақ көтерген кезінде көретін бейнетінді ауырлатамын, балаларыңды қиналып босанатын боласың. Сен күйеуіңе құштар боласың, ал ол саған жетекшілік етеді».

1 Петірдің 3:1,2 Сол сияқты сендер, әйелдер, күйеулеріңе мойынсұныңдар. Осылайша, олардың кейбіреулері Құдайдың сөзіне құлақ аспаса да, өздеріңнің айтқан сөздеріңмен емес, игілікті мінез-құлықтарыңмен оларды баурап алып, Мәсіхтің иелігіне айналдырыңдар. 2 Олар таза да ізетті мінез-құлықтарыңды көргенде ғана бұлай болмақ.

Титке 2:1-5 Ал сен дұрыс ілімге сай келетінді үйретуің керек. 2 Егде тартқан ер адамдар қырағы, байыпты әрі байсалды, олардың сенімі, сүйіспеншілігі және шыдамдылығы шынайы да берік болуға тиіс. 3 Сол сияқты, егде әйелдердің жүріс-тұрыстары Құдайға бағышталған әйелдерге лайықты болуы қажет: олар ешкімге жала жаппай, арақ-шарапқа салынбай, қайта, басқаларды жақсылыққа үйрететін болсын. 4 Егде әйелдер қыз-келіншектерді күйеулері мен балаларын сүйіп, 5 байсалды, кіршіксіз таза, үй шаруасына ұқыпты әрі мейірімді болып, күйеулеріне мойынсұнуға жігерлендіріп үйретсін. Осылайша олар Құдай

сөзінің жамандалуына жол бермесін.

Притчи 12:4 Ізгі әйел күйеуінің абыройын асырар, Арсыз әйел күйеуінің қуатын тауысар.

Притчи 14:1 Ақылды әйел үйін өркендетер, Ақылсыз әйел үйін өз қолымен күйретер.

Притчи 19:13 Ақылсыз бала әкесінің күйреуі болар, Ұрысқақ әйел аққан тамшыдай жүйкені жұқартар.

Притчи 21:9,19 Ұрысқақ әйелмен бір үйде тұрғанша Үй төбесіндегі күркеде тұрған артық оңаша. 19 Ұрысқақ, ызақор әйелмен тұрғанша, Оңаша тұрған артық айдалада.

Притчи 25:24 Ұрысқақ әйелмен бір үйде тұрғанша, Үй төбесіндегі күркеде тұрған артық оңаша.

Притчи 27:15,16 Жаңбырлы күні тоқтаусыз тамшылайды, Ұрысқақ әйел де тыным тапқызбайды. 16 Оны тыю ұқсайды желді тыйғанға Я майлы қолмен бір затты ұстағанға.

Притчи 31:10-31 Еңбекқор, жақсы әйелді кім таба алар? Ол інжу-маржаннан да бағалы болар! 11 Күйеуі оған толықтай сенім артады, Ешқандай игіліктен ада қалмайды. 12 Өмір бойы оның күйеуіне жасары Жамандық емес, жақсылық қана болады. 13 Әйел жүн мен зығырды өзі таңдайды, Қол жұмысын да ынтамен жасайды. 14 Жер шарлаған саудагер кемесі секілді Алыстан да азық-түлігін әкеледі. 15 Әйел төсегінен тұрып таң атпай ерте, Тамағын үлестіріп беріп үй ішіне, Тапсырады жұмысын қызметшілеріне. 16 Жер танабын қарап, ойланып, сатып алады, Еңбегінің түсімінен жүзім отырғызады, 17 Белін бекем буып, қайратпен іс қылады. 18 Ұғады ол еңбегінің өнімді боларын, Көпке дейін түнде сөндірмейді шырағын. 19 Саусағымен созғылап қолындағы жүнін, Дем алмастан иіреді ол ұршығын. 20 Оның қолы әрдайым жомарт жарлыларға, Құшағы ашық бейшара мұқтаждарға. 21 Қар жауып, үй ішім тоңар деп қамықпайды, Бәрі де қос-қостан киімдерін киеді. 22 Әйел әсемдеп тоқып төсек жабынын, Бәтес, қызыл жүннен тігеді киімін. 23 Күйеуінің атағы кең жайылады, Елдің ақсақалдарымен кеңес құрады. 24 Бәтестен әйел жапқыш тігіп, сатады, Белбеумен де саудагерді қамтиды. 25 Осылай ол бөленеді күш пен салтанатқа, Шаттықпен қарайды жарқын болашаққа. 26 Аузынан шыққан сөзі — нағыз даналық, Берген тәлімі — мейірімді жақсылық. 27 Үй шаруасын мұқият бақылайды, Ол нанын бекер жеп, еш масыл болмайды. 28 Балалары тұрып, аналарын дәріптейді, Күйеуі де оны былай деп құрметтейді: 29 «Көп әйел заты еңбекқор, жақсы екен, Бірақ барлығынан да асып түстің сен!» 30 Әсемдік өткінші, алдамшы сұлулық та, Тәңір Иені қастерлейтін әйел лайық мадаққа. 31 Беріңдер оған еңбегінің тиісті зейнетін, Істері үшін жұрт алдында ол дәріптеле берсін!